

痢

證

匯

參

增證滙叅卷之五

海虞吳道源本立纂輯

同里 王式金聲谷評定

劉文思庭輝叅訂

男 朝棟治平

同校

門人王天瑞希范

胎前痢總論

醫通云。妊娠痢疾有三。禁五審一。禁蕩滌腸胃。二。禁

皆助前項  
者不可不  
明三禁五  
善

滲利勝脫三禁。兜濕氣滯。蓋蕩滌則陽氣下陷。胎氣愈墜。滲利則陰精脫亡。胎失榮養。兜濕濁氣滯而後重轉。加故善治孕婦之痢者。宜調氣爲先。蓋調氣之法。如燻治分金。已敗之精血。則隨氣而下。未傷之津液。則統之而安。不善治病者。惟守通因通用。痛無補法之說。峻用苦寒蕩滌。使未傷之津液。溷廁敗穢之中。建瓴而下。在胃氣有權者。尙有可勝其藥力。譬諸引汲。壅渠一決而蕩無餘滓。陳腐去而倉廩自修。津

言之易勝  
太息

胃能納穀  
是病症最  
要緊奈何  
庸妄者必  
欲傷其胃  
氣乎

液自復也。若腎氣不固之人，秘藏不密，五液盡隨轉  
痢藥注下，使既病之津液更加猛利峻攻，不致精神  
離散，血液告竭不已。况能保其胎息乎。所謂五審者，  
一審飲食之進與不進。夫下痢乃腸胃受傷，若痢雖  
甚，飲食如常者，易已。故痢以噤口爲最重。在初濁氣  
全盛之時，不足爲慮。但要理滯氣，飲食自進矣。或初  
時能食，一旬一氣候，反不能食，脈息不振，此必蕩滌  
太過，胃氣受傷所致。亦有過服黃連、樨、朴、苦、寒、破氣

而致呃逆嘔噦者。此胃氣大敗。最危之候。惟峻與溫。補庶可挽回。若見其脈數絕無倫。或翕翕虛大而兼歇止。或細數搏指者。皆胃氣告匱不治之證也。

二審澁之通與不通。下痢瀉濁不分痢。頻而小便通利者。胎必無虞。或月數將滿。胎壓膀胱而小便不通者。名曰轉胞。切忌利水。通津急與升提。自通須察其脈。無過旺過硬之形。宜補中益氣湯。稍加車前澤瀉。以升清降濁。投之無有不効。非特妊娠皆然。即平人

久痢津液太傷而澁不通者亦宜此法。

三審腹之痛與不痛。蓋痢症亦有濁濕下趨而腹不痛者。但此證多見於肥白人之白痢。瘦人多火者罕有之也。宜調氣運積不可清火明矣。原其腹痛有寒熱之分。痛有止歇。奔迫下墜。至圍不及者。火也。痛自下而攻擊於上者。火也。痛而脹滿不勝。摩按服熱湯而愈痛者。火也。實也。痛而無止歇。常痛而無絞刺痛者。寒也。痛自上而攻注於下者。寒也。痛而不滿時喜。

寒熱腹痛  
一二分明  
解此何難  
痰病

熱手摩按者寒也。虛也。大約初痢脹滿爲實。熱久痢  
疔痛爲虛。寒也。卽或初因火起切痛久痢氣傷亦必變  
而爲虛寒也。急須溫補切勿利氣。惟急痛脈實久按  
不衰者可用炮薑黃連和之。

四審後之重與不重。下痢後重濁氣壅滯也。夫開通  
壅滯必以調氣爲主。在妊娠尤爲切要。調氣則後重  
自除而胎息自安矣。初痢後重宜開其壅滯。久痢後  
重又當升舉其陽。陽氣升則胃氣運。胃氣運則周身

病分初久  
治之方不  
能誣人

解脈亦是  
要事

之氣皆條達而無壅塞之患矣。故孕婦後重者無論胎之大小見脈有餘則宜調氣脈見不足即用升提。雖血痢亦用陽藥一切滋膩血藥槩不可用。蓋氣有統血之功血無妄行之慮矣。

五審身之熱與不熱下痢爲裏氣受病若見身熱表裏俱困元神將何以恃而得振驅邪之力耶。如人迎之脈浮數可先用和營透表之藥分解其勢然後徐徐清理若初痢不發熱至數日半月後發熱脈來漸

既審身之  
熱與不熱  
以辨熱之

在前在後  
真心細如  
髮病無如  
情矣

辨證別類

卷五

五

小或虛大無力者此真陰內亡陰虛發越於外也在  
平人可用辛溫峻補在孕婦桂附又難輕用惟藉參  
朮薑黃膠艾之屬非大補煎濃峻投難望其日轉回  
天之勤也又有久痢胃虛起居不慎而感冒風寒發  
熱者當察其左手三部脈必顯浮緩之象用理中湯  
加桂枝合表裏而治之以內氣久虛之邪不得參朮  
助其中氣則客邪不得解散矣又當察其積之稠粘  
色之鮮與不鮮則元氣之厚薄病患之寒熱可曉然

無疑矣。如赤白之辨。昔擬議紛紜。元非正論。以大畧  
言傷氣則白。傷血則赤。氣血紊亂。則赤白兼併。蓋氣  
屬陽。陽傷則受寒居多。卽有火注下迫。皆陽氣鬱遏。  
本寒標熱之證。不可純歸熱。當驗其積之稠粘如糊。  
色白如脂。方可暫與清熱治標。若汁沫如水。色晦如  
塵。急須溫理其氣。卽有熱證之形。皆假象無疑也。血  
屬陰。陰傷則受熱居多。然多有氣傷。陽不統陰之血。  
又不得從事於辛溫也。故治血痢。尤當以色顯晦驗。

其虛實寒熱。此義前人所未發也。故凡積之癥。晦不鮮。清稀不粘者。皆係虛寒之故。急以人參薑艾阿膠。庶可保全。倘不審而誤用黃連。是速其斃也。惟積之稠粘而光澤者。合用苦燥。以堅腸胃。滑脫又必佐以調氣之藥。則陰邪得以解釋。凡孕婦有病後瘧後。或本質虛弱之婦。以秋冬令嚴。寒下痢如胎孕。脛腕。其可與平人。夏秋之痢。同日而語哉。曾治孕婦久瘧後痢。忽又瘧痢齊作。元氣下陷。胎氣下墜。小便頻數。名

標高法

曰轉胞用補中益氣湯加砂仁調氣烏梅生血車前分利無不隨手輒効也。○讀三禁五審透明之論知胎前痢治法盡是矣。余故於各條稍跋數語而更總附一言於此。欲臨症者其於是留心焉。

鄭文康曰。余外祖薛氏家傳胎前痢疾不拘赤白。悉用養胃湯。始終只此一方。便可祛其病患。否則胃苓湯。若傷生冷而下白痢者。五積散。如生冷所傷。非桂附不能治也。然亦不得已用之。務必臨症斟酌。昔有

用藥總以  
穩當為主

云胎前痢疾產後多危以其下胎故也胎前患痢脈  
小者生脈大者死凡胎前赤白痢香連白朮散白多  
香倍於連紅多者連倍於香有外邪者紫蘇飲加神  
麩身無熱加木香蓋孕婦痢疾惟以固胎為主此藥  
奏功雖緩服之最穩當也

此論展明  
析

陳文治廣嗣全訣云孕婦痢疾醫治之法無異於常  
其要在於保胎也若下黃水乃脾土虧損當升補中  
氣黃而兼青乃肝木尅脾土宜平肝補脾黃而兼白

子令母虛。須補脾腎黃而兼黑。水反侮土。必溫補脾。胃黃而兼赤。乃心母益子。宜補中益氣。若脾胃虛弱。風邪客之者。宜胃苓湯。雖有胎氣不安。補脾而胎自安矣。

錦囊秘錄云。妊娠飲食不節。誤吞生冷。不能尅化。致令心腹疼痛。日久漸成痢疾。傷血則赤。傷氣則白。氣血俱傷。赤白兼下。腹內重墜。胎氣不安。腹痛墜下。乃元氣虛而不能升舉。真氣下陷也。宜用補中益氣湯。

而胎自安切忌破氣降氣益增其墜下之患蓋胎繫於腎如鐘懸於梁棟梁不固必撓而鐘豈能獨全乎况今之似痢非痢者居多中氣虛而不能上升脾氣虛而不能滲濕腎氣虛而不能閉藏慎勿泥有形之假滯而傷無形之元氣也元氣一傷變證百出矣其胎豈能保乎

陳良甫女科經綸云胎前痢疾亦有暑邪風寒外感致病不可專主飲食生冷爲患孕婦本於脾胃不和

見到語

要法

因而氣血受病傷氣血而分赤白孕婦之病與平人  
相等若守河間之法降氣則後重自除行血則便膿  
自止而不知胎前之氣果可降乎氣降則胎下墜胎  
前之血果可行乎行血則胎必墮莫若多用砂仁以  
調氣多用當歸以養血此二味乃胎前痢之妙劑再  
用四物倍加白朮條芩丹溪謂先托住正氣以固其  
胎而後順氣和血佐以消積導滯此治孕婦痢之要  
法也

壺仙翁曰。妊娠病痢不止。診其脈虛而滑。兩關若瀉。此由胎氣不和。相火上炎。身熱自痢。實非痢也。用黃芩、白朮以安胎。四物以養血。數劑而胎安。痢止矣。

準繩謂孕婦患痢。用導滯理氣藥。腹中愈重墜者。乃下元虛也。胎動不安。內熱盛也。用補中益氣湯服之。仍不安。用六君子湯加條芩而安。

明人所見  
畧同

薛立齋曰。妊娠痢疾。以當歸黃芩爲主治。佐以白朮、茯苓、白芍、陳皮、甘草之屬。如瀉加蒼朮爲主。佐以赤

苓神曲陳皮之類。二證俱用砂仁煎服痢愈後又當大補陰血。如四物龜版阿膠人參山藥知母五味之類服之。可免臨產之時枯澀之患也。

有一婦懷孕七月。秋初患痢腹痛脈微而軟。曰此氣虛不能運化精微其窘迫後重乃氣下陷耳。以升陽散火湯加減。繼以補中益氣湯加砂仁數劑而安。

鄭良棟曰胎前紅痢必用四物爲君。裏急後重不拘赤白非枳殼不能治。蓋痢變爲通腸而瀉則易止也。

治宜養胃湯。

丹溪心法云。治一婦。懷孕五月。下痢膿血無度。兩腰重墜難當。竟有墮胎之狀。以白芍當歸木香砂仁條芩艾葉陳皮酒炒黃連煎服。夜間仍痛不減。下痢三次。次日大便所下如爛魚腸者極多。夜半忽兩足底前半節紅腫疼痛。忍曰此厥陰肝經虛胎氣下墮也。以川芎當歸人參白朮茯苓紫蘇甘草服之。半夜痛止。卽得睡矣。但左脚畧有微腫痛。再以人參川芎

當歸白芍甘草陳皮茯苓腹皮柴胡紫蘇服之後左  
脚亦減。又以補中益氣湯加白芍子芩茯苓調補而  
胎息全然無恙。

生生子赤水元珠云。治一孕婦坐胎七箇月。患病色  
赤。腹痛後重。體素弱。舉家憂慮。余以白芍三錢。條芩  
一錢。五分。白朮。炒。地榆。各一錢。甘草三分。兩劑而安。  
後五日報云。因稍勞。痢又復發。又以當歸三錢。川芎  
一錢。五分。阿膠二錢。艾葉一錢。一貼而愈。

歸家不忙

又一婦。孕踰七月。因食生冷。患痢。所下皆白膿。腹痛  
後重。小水不利。兩關脈滑數。以艾葉砂仁白芍白朮  
厚朴茯苓滑石甘草服之。痢不減。小水仍不通。夜間  
更甚。用當歸白芍各三錢。酒炒黃連酒炒芩益母各  
一錢。滑石三錢。木香甘草各三分。兩貼而安。

痢證滙叅卷之六

海虞吳道源本立纂輯

同里 王式金聲谷評定

劉文思庭輝叅訂

門人 龔錫勇天表  
同校

王文瑞希范

產後痢總論

御纂金鑑云產後痢者名產子痢。多因飲食不調。貪

食生冷。或起居不慎。衝寒冒暑。所致。若腹中疝痛。後重裏急者。屬有餘之證。若日久虛寒滑脫者。屬不足之證。痢色焦黃稠粘。多屬於熱。清稀澄澈如鴨糞者。則屬於寒。治之之法。熱者清之。寒者溫之。冷熱不和者。調之。虛者補之。實者瀉之。虛實新久之間。宜細心詳參也。

熱者清之。宜槐連四物湯。卽四物加槐花黃連。以清熱而兼腸也。冷熱不和者。調之。用黃芩芍藥湯。

產後痢症  
此一條當  
細參

卽芩連歸芍木香肉桂甘草枳榔痛加大黃虛寒  
滑脫宜溫而固澀之宜真人養臟湯日久不止氣  
血大虛者十全大補湯外感風寒成痢者宜敗毒  
散若因暑濕致痢香連丸若敗血滲入大腸而成  
痢者加阿膠地榆烏鰂骨

郭嵇中濟陰綱目云產後氣血大敗之候腸胃怯弱  
寒熱易侵若未滿月飲冷當風乘虛襲於育膜散於  
腹脇或腹痛作陣錐刺之狀則敗血流入大腸水穀

不化。洞泄腸鳴。或下赤白。胠脇填滿。或痛不定。急服調中湯立愈。

陳無擇曰。產後痢疾。非止一證。當隨其因而調之。既云飲冷當風。何所不至。寒熱風濕。本屬外因。而喜怒憂思。遂從內性。况勞役飢飽。皆能致病。若其洞泄。可服調中湯。赤白滯下。非此不能愈。各隨門類治之。大全云。產後痢疾。由產勞傷臟府。日月未滿。虛之未復。或勞動太過。誤吞冷物。或行走太早。外感風冷。乘

虛入於脾胃致令洞泄甚者變爲痢疾若滲入大腸  
卽成血痢難治若飲食不進下痢無常日夜無度產  
後本虛又加痢頻不止益增其虛倦怠瘦乏謂之虛  
羸下痢恐成虛勞又有產後氣不順下痢白膿謂之  
氣痢法當調氣

仲景謂一婦產後七月秋初滯下腹痛微而軟曰  
此氣虛不能運化精微其痛窘迫後重乃氣下陷也  
以升陽散火湯加減繼以補中益氣湯加砂仁數貼

而安。又一臨產滯下。用以黑山梔爲末。每服五錢。空心滾水下。甚者二服卽安。凡痢脈弦數者重。微弱者爲欲自止。雖發熱不死。

治一婦產後五月腹痛下痢。用薑汁以黃連一錢。白芍三錢。黃芩扁豆各二錢。蓮肉枳殼各三錢。陳皮葛根各一錢。炒紅麴二錢。炙甘草一錢。烏梅二枚。甫服一鍾。藥行至腹卽一次痛亦隨已。滯下而全安。

薛古蒙曰。產後氣血大傷。喜吞生冷。瀉痢齊作。並不

危殆。治當溫補。勿拘拘以滲濕分利。反名虛虛之禍也。審係傷食所致。則用四君子湯。察其所傷何物。分別而消導之。若見嘔吐。加藿香。若係虛寒。完穀不化。或去清水。手足厥冷。用調中湯。若瀉痢色黃。乃脾土真氣。宜加木香。肉果。若脾土虛寒。八味丸以補土母。若小便澀滯。四肢浮腫者。須補脾胃爲主。久不愈。腎氣虧損也。用四神八味之屬。經曰。痢而作渴者。但止其渴。痢自止矣。

妙訣

語語仔細  
字字斟酌

鄭文康曰。產後痢疾脈細小者生。洪大者死。凡產後痢。兩手脈絕細細等之微見。附骨者。卽以無事斷之。蓋產後之脈沉細者。生。何況產後痢疾脈尤當細也。痢見赤白。胃苓湯可以治之。此藥服之亦可消導。切不可用芍藥湯。推蕩如惡露未盡。胃苓湯加桃仁。不發飽。加紅花。當歸。蓋山查。足以消積破瘀。恐其消剋太甚。但用神麩可也。若惡露已淨。胃苓湯加半夏。神麩足矣。

此法亦穩

赤水元珠云。下痢墮胎。腹滿少食。脈虛痢不止。手足厥冷。用酒炒白芍五錢。滑石三錢。焦白朮二錢。蒼朮三錢。乾薑二錢。茯苓二錢。訶子皮二錢。爲末。調下保和丸。

明者所見  
異同

錦囊秘錄云。產後腹痛痢疾。由腸胃虛怯。寒邪易受。故腹痛水穀不化。下痢赤白。急用調中湯立効。若非外感所傷。必是腎虛虧損。陽虛不能生土。陰虛不能閉藏。耳必用四神八味以補腎。倘誤用分利消導之

亦不定屬  
死症在用  
藥中款耳

藥是益虛其虛矣可不慎歟。

準繩曰產後痢疾死多活少不甚者尤可施治若瀉  
比於痢則痢尤爲難而瀉則易治大抵瀉者補脾土  
爲主而消食藥佐之痢無外邪者扶脾補腎消積而  
以補血藥佐之如膠艾丸之類蓋痢多下血產後血  
虧蓋用補血之藥如瀉不止四神丸如氣虛下陷補  
中益氣湯瀉痢止更酌用四物湯之屬

辨證錄云產後下痢厥逆躁不得眠俱是死證蓋下

舍此誠無  
別法

痢亡陰厥逆亡陽也是難救况躁不得眠是血無以  
養心也而厥更不止則汗自出又無已也欲不死可  
得乎我欲於死中求生舍人參當歸再無別藥名曰  
參歸湯用人參一兩當歸二兩荆芥二錢水煎服當  
歸生氣血而以生新血則舊血去而新血益生自然  
有血以養心則厥可定而心可安躁可釋也

又一產後痢加之呃逆必死之證也蓋下痢亡陰產  
後尚非所宜何況氣血大敗之候乎今加呃逆胃中

用外治法  
更穩

有火遏抑拂亂而氣血更虛勢必致胃氣之絕不死  
何待然而胃氣尚有一線未絕即可救援吾有一方  
不必服藥卽治噤口法稍爲更易將活田螺一枚搗  
爛入麝香一厘吳萸一分爲末拌勻掩在臍上紮緊  
則引火下行呃逆立止蓋產後下痢氣血大虛不可  
用驅濕散火藥益虛其虛故用此法嘔逆止後以當  
歸一兩白芍三錢甘草一錢枳殼三分檳榔一分水  
煎服醫通云產後痢疾有三一者因胎前患痢產後

產後痢綠  
由亦不外  
此三項

不止。昔人謂七日必死之候也。若產後其婦壯實元氣未敗。脈有胃氣能進食者。伏龍肝湯加減隨證治之。多有生者。二因產時臍腹受冷。飲食不化而腹瘕或惡露不行。理中湯爲主。白者加吳萸木香赤者加茯苓肉桂。三則產後或有誤吞生冷。或臨產飲食過飽。瀉痢齊作。亦宜理中湯。白者加枳實厚朴。赤者加山查香附。熬糖加入人參肉桂。間有熱痢後重。白頭翁湯以甘草阿膠湯清理之。如惡露未淨。痢久不止。

腹痛後重補中益氣湯升舉之大抵產後下痢惟顧慮元神調和氣血則積滯自下惡露自行不然較妊娠更難照顧也

孫文垣治程氏婦小產後已二十日矣忽患痢一日十餘次怯寒惡食小腹脹痛診之右脈滑大知其虛中有熱想其惡露未淨故小腹脹痛有專泥丹溪產後大補氣血之語槩施之因而作痢乃翁曰病尙怯寒何云有熱余曰惡寒非寒明是熱證由熱而似寒也

服藥後當知之以當歸爲君滑石酒炒芩連爲臣木  
香桂皮檳榔爲佐酒炒白芍爲使服之果去惡物甚  
多黑臭難當小腹頓寬口乾小便不利惡心不食疲  
倦仍裏急後重以人參白朮川芎各一錢五分酒炒  
黃連陳皮各六分木香二分外以清六丸服之痢減  
十之八九但大便不實虛怯惡心仍在以四君子湯  
加炒白芍陳皮木香肉果酒炒黃連當歸調養而安  
李修之曰婦人經行產後誤食生冷惡血不行凝滯

於內侵腸間而成痢疾。純下紫惡血脈見乳而細結。促此瘀血痢也。法當去瘀生新。當歸桃仁丹參之類。劉宗厚曰。產後痢疾年餘。形體骨立。內熱晡熱。自汗盜汗。口舌糜爛。日吐痰三椀許。脈洪大重。按全無此命門火衰。脾土虛寒。而外假熱也。痰者脾虛不能統攝。歸源也。用八味丸補火。以生土。川補中益氣湯兼補肺而脾胃健。

滑伯仁曰。產婦誤吞雞子腹中作痛。面色青黃。服平

胃二陳更下痢赤白腹脹服流氣飲子又見小腹一  
塊不時上攻飲食愈減此脾腎虛寒肝木尅侮所致  
以補中益氣湯加木香吳萸服之漸愈又用八珍大  
補兼服調氣藥而愈

薛古蒙曰產後痢疾若渴而不喜冷飲屬胃氣虛不  
能生津液宜用七味白朮散若夜發熱口渴屬水弱  
而不潤宜六味丸作湯服之佐以益氣湯以滋化源  
本事方云治產後痢疾諸藥不効一日五十行用杉

木中蛀虫尿。炒黃爲末。飲湯調服立驗。又云用羊脂炒薤白食之立瘥。

痢證滙叅卷之七

海虞吳道源本立纂輯

王式金聲谷評定

同里

劉文思庭輝叅訂

門人龔錫勇天表

同較

男 朝棟治平

小兒諸痢總論

小兒諸痢治同大科惟驚痢疳痢乳食痢痘後痢虫

此條載小兒諸痢甚

詳所以治

之之法亦

備今之專

門兒科者

未識推助

到此否也

又按今之

小兒每多

先天不足

者一見內

熱而即用

痢小兒則有之。大人則無其證也。其痧後痢。大人或有之。亦希見也。其致病之由。大抵傷食者。俱多。或吞生冷所致。小兒下痢純白者。感應丸推去積滯。後用參苓白朮散。溫和脾胃。純血者。積熱之毒也。宜導滯丸。赤白相兼。裏急後重者。如脾胃虛滑。不禁。食少倦怠。駐車丸。或白附香連丸。膿血相雜。久不止者。沒食子丸。或雞子煎。如食積痢。所去臭甚。宜進食丸。或保和丸。積消痢止。後用四君子湯。加白蔻訶子皮。次服。

清導冠別  
往往轉臥  
而至病重  
旋至不起  
嗚呼存心  
濟世者當  
於此細心  
體察也

厚腸胃香連丸疳痢之色黃白亦有見五色者必下痢無度宜香砂枳朮丸驚痢色青不臭宜清金丸虫痢因胃弱腸虛則蟻虫下乘或癢或痛從穀道中出治宜清熱殺虫用四君子丸瘡後痢餘毒未盡內傳大腸而成痢似痢非痢也治宜黃連解毒湯或用四物加苓連銀花荆芥切勿認其倒靨或欲止其痢而用兜瀉多致不救痧疹痢者發痧之後失於清理邪熱內趨而變痢治宜升散忌用止澀宜加減四苓湯

加升麻血甚者宜解毒分清飲或導滯丸乳食痢小兒胃寒乳食不化是胃氣不和脾有風冷治宜溫之宜益黃散若外感痢而寒熱者治宜疏散表邪若赤痢發熱以防風芩連大黃甘草經云純下鮮血者風也赤而帶滯者瘀也加紅花桃仁白痢亦有寒熱如飲食不化者寒也發熱煩躁小便短赤者熱也宜香連丸薄荷煎益元散之類若誤用剋伐而致脫肛者補中益氣湯或過服涼藥或久痢臟虛脫肛宜釣腸

丸木香湯送下。如小兒瘧痢兼作，莫重於痢。若以風食治之，則得之矣。宜羌防以解表，柴苓白芍以定寒。熱薑炒黃連以清其火，枳朴枳實麥芽以消其食積。則瘧痢自止矣。錢仲陽曰：小兒瀉痢黃白黑者，皆熱也。瀉痢清白水穀不化者，寒也。凡小兒手足指頭熱，無論赤白喜冷飲者，皆實熱。宜胃苓湯。若體重肢痛者，濕熱傷脾也。宜升陽益胃湯。如小便不利，陰陽不分也。宜五苓散。若濕退而痢不愈者，脾氣下陷也。補

知照顧脾  
無便思過  
半矣

論得確切  
第用藥亦  
不專消導  
宜消補兼  
施爲妥

中益氣湯倍加升麻瀉痢兼嘔吐腹中作痛者脾胃  
虛寒也升柴散加炮薑木香若積已去仍不止者脾  
氣虛也四君子湯加肉果有熱加炒黑地黃如此調  
治無有不愈也錦囊秘錄云小兒不知飢飽保育之  
恩在於父母奈情深姑惜不知宿食未消新穀又進  
藥之恐兒口苦節之恐兒餓腹致傷脾胃蒸釀成積  
腹痛下痢飲食不思變爲痢疾積滯治宜消導蓋脾  
氣不運則氣不流行氣不流行則停滯爲積或爲瀉

痢或爲痞滿。飲食不進。五臟無所資。稟氣血日漸虛。衰是危者多矣。故必消而導之。輕者用和解之。常劑重者消積之。湯丸如磨積散。保和丸之類。神麩麥芽。青皮厚朴之屬。

準繩論小兒瀉痢亦云。先瀉後痢曰脾。傳腎爲賊。邪難愈。先痢而後瀉曰腎。傳脾微邪。易醫。千古不易之法也。以余論之。瀉爲在脾。不假言矣。而痢在腎。不能無議哉。瀉固多由於飲食。而痢獨非飲食所傷乎。飲

此論甚的  
不必駁

食停滯濕熱不化遂成稠濁膠於腸胃欲下不下後  
重裏急。明是脾經病也。而顧以痢屬腎者何謂歟。吾  
未聞飲食之入不由於脾而由於腎也。既云腎病治  
痢之藥。悉用蒼朮厚朴黃連木香陳皮白朮之屬。並  
未有用杜仲牛膝熟地補腎之藥。以治腎家之病。而  
乃用脾家之藥。必非腎病故也。要知先瀉後痢而難  
愈者。因其脾土先壞而積滯方壅也。豈脾傳腎之謂  
耶。先痢後瀉之易愈者。以其積滯已盡而脾尚虛也。

豈腎傳脾之謂耶。蓋腎但能藏精。不能藏飲食。若痢屬腎。飲食皆藏腎矣。豈理也哉。蓋久痢者腎必虛。未有初痢而腎先虛者。大約治痢之法。與大人無二。但大人下痢純血者難治。在小兒以食積治之。無妨宜保和丸之類。

### 疳痢

婁全善曰。小兒疳痢。日久不瘥。或下黃紅赤白積者。皆毒也。如瀉青白。完穀不化。胃寒也。宜白豆寇香連。

小兒疳痢  
早問歷多  
少惟此法

最驗最穩  
只宜錄此  
足矣

丸主之。蓋小兒氣血未充。腸胃脆薄。觸物易傷。故凡乳哺不節。或恣食生冷。及糲糲難化之物。或食即睡。以致停滯不消。噫氣作酸。胃口作痛。心下否滿。按之痛甚。或挾外感。或發寒熱。當審其食在胃之上口者。用異功散。加山查神麩。虛者人參養胃湯。有外感者。霍香正氣散。或參蘇飲。如大便欲去不去者。脾虛下陷也。補中益氣湯。留而不去。則成積。積收爲疳。利如蟹渤。卽名疳痢也。宜三稜消積散。消後用養胃藥。古

云養正而積自除矣。葉杏林幼科指掌議論同此。其治疳痢用蝦蟆丸服之。疳除痢止亦是一法。

按小兒脾胃虛弱。切不可下。下之更虛。必然津竭。作渴。浮腫。丁奚諸症。作矣。亦不可驟補。補則熱蓄。能令脫肛。治宜養胃調氣。分利消積。後重裏急者。分理陰陽。與厚腸胃藥。如腹痛行氣化積。初起有表邪者。汗之。腹痛不止。白芍湯和之。氣虛下陷。補中益氣湯升提之。虛滑者。訶子澀之。

御纂金鑑訣云。疝疾日久。頻下痢。多緣腸胃熱凝滯。或赤或白。腹窘痛。香連導滯爲妙劑。

疝痢之證。乃外感無形之暑濕。內傷有形之積滯。熱結於腸胃而作痛。裏急後重而不通。無論痢之赤白。量病之淺深。急攻有餘。以利爲快。勿使久延。致傷脾胃也。宜香連導滯丸。外臺秘要云。疝者。小兒病癖。或久瀉嘔吐。醫投轉過之藥。小兒易爲虛實。致胃虛怯。而亡津液。則內發虛熱。外消肌肉。一臟虛則五臟皆

此等議論  
宜斟酌用

漸而虛。其病形。目胞腫而黃。臍凸。腹脹。滿。病色如常。  
漸加瘦。脊久不愈。是腸胃有風積。法當宣風散導之。  
後各依本臟補其母。

驚痢

張三錫治法彙云。小兒受驚日久。頭汗喘息。煩渴潮  
熱。睡中覺腹內跳動。瀉下白脂。或豆沙狀。或如草汁。  
宜量與辰砂丸疏導。調氣和血。宜青金丸。如氣逆嘔  
吐。絕不思食者。用鹽水炒黃柏爲末。神麩糊丸。如葶

豆大每服二十九小兒純陽之軀如用肉桂務必斟酌恐有痰火蘊蓄反觸動其驚也大凡小兒痢疾治與大人相等但丸散少差耳大法初起有表證者敗毒散表邪既除當審積滯微甚察其所傷者何物治之日久不愈當理氣血以胃氣爲急扶其胃氣當日臻勝境如果積滯已淨大便未實者養胃藥內畧帶止斂如肉果訶子烏梅金鏡訣云積因停滯在宮中乳食虛驚氣所鍾腹痛面黃晡作熱危羸煩渴瀉流

遲飲食不化酸腥吐覆臥煎熬兩目紅急用香連消  
積劑莫教日久致投空又云脾屬陰兮胃屬陽一身  
牆壁在中央土生萬物須和暢一有虧兮雜病干或  
吐或膨時瀉痢或煩或渴不加餐常吞助胃溫脾藥  
生冷休吞體自安又云骨熱頭焦五臟府胸煩口渴  
髮毛乾肚高脚細牙疳爛遍體生瘡瀉痢頻喜食壁  
泥生米穀茶炭烟脂任意飧五疳消積肥兒散脫甲  
同投便可安

不治歌

大孔如筒脈洪數。發熱不食兼作薄。瀉下混如爛魚腸。豆汁屋漏水相錯。汗出如油啼不休。腹痛口乾陰囊縮。或如癰膿雞子臭。有藥莫投買棺槨。

瀉痢脫肛

乾坤生意云。小兒氣虛久瀉久痢。或叫號氣耗。而致腸頭脫出。治宜升舉。兜澀。然大腸者肺之腑也。肺寒而致大腸頭脫下。宜補中益氣。加枳皮之類。是升舉。

補氣爲治  
脫肛者要  
訣

之中兼澀也。指掌訣云。小兒食積因成痢。初起必當  
先導滯。赤者屬血。白屬氣。紅而散者從傷治。下如五  
色定難醫。痢久脫肛。宜補氣。若還發熱不加餐。從來  
見此終歸斃。大凡小兒痢疾。飲食不調而成者居多。  
焦黃穢臭者熱甚。白如凍膠鼻涕者寒甚。赤而散者  
爲傷治。傷以治痢。治或尋愈。治傷以痢。未有愈者。宜  
調脾養胃。湯補脾飲之。類痢愈而傷亦愈矣。片玉新  
書云。小兒肛頭脫出。此由瀉痢深沉。氣虛下陷。不能

升冷熱不和交併。裏急後重難便。用力氣過傷神。肛頭被冷寒乘。不得收還內進。要識脫肛證治。養血調氣合宜。芎歸白朮與黃芪。白芷人參赤石脂。槐角建蓮山藥。龍骨五倍隨之。研細合成丸子。兒務必陳皮湯吞。

瘡痢

小兒瘡痢兼作。重在於痢。若以風食治之。則得之矣。宜羌活蘇葉以解表。薑炒黃連以清火。檳榔枳實麥

牙以消其食。蒼朮一味不可多用。因其氣雄。如行癩痢。忌用人參。邪未清者用之。立斃。嬰兒寶鑑云。夏末秋初。忽然暴冷。折於盛熱。無可發洩。客搏肌中。發於外。則成瘧。傳於內。則爲痢。內外俱發。則爲瘧痢。皆因營衛不和。藏府俱弱。冷熱之氣。客於腸胃。或吞生冷。亦積於中。復爲濕熱所傷。有傷氣傷血之分。痢有赤白二色之異。治之者。必辨其虛實寒熱。亟爲調治。若痢久失治。必成腫滿。上焦熱結。下焦偏冷。熏蒸於肝。

痢證滙叅

卷七

十

則眼昏生翳。變態百出矣。

不治歌

里不食不  
乳已為難  
治不必兼  
種種壞症

痢頻不食。唇枯目紅。下痢全黑。嚙乳不通。遍身冷汗。  
大孔如筒。喘粗腹脹。囊縮命終。痢如膠漆。散火神瞳。  
喉間壅塞。舌脹心胸。形瘦項軟。血黯如膿。神思倦怠。  
口臭痰膿。渴常思飲。面浮脈洪。眼澀白膜。足冷唇紅。  
轉側不穩。痢血蠶虫。

痧疹後痢

痧疹辨疑論云。小兒先患瀉痢。未曾分利。清解一遇天行時氣。而發痧疹。未及清解。邪熱內趨。而變痢。或紅或白。日夜無度。禁用止澀收斂。治宜升散。或加減四苓湯。加升麻。甚者解毒分清。飲腹痛。用黃芩芍藥湯。無大熱。小香連丸。虛者加人參。滑者加茯苓。裏急後重用黃連解毒湯。有食用保和丸。日久不愈。變爲休息。加減調中湯。純下血者最重。治宜驅風涼血。

痘後痢

治痘後病  
尤宜仔細

小兒痘後大便膿血熱毒侵於大腸也宜四物加苓  
連枳殼荆芥或黃連解毒湯加生地太凡痘中瀉痢  
痘色無神必帶滯氣切勿認其倒靨大忌堯澀之品  
多致不救如嘔吐餘毒入胃也然有冷熱二症宜分  
別而治之心煩口渴乳食不化結聚滿而後吐吐出  
如射面赤手心熱喜涼飲此熱症也橘皮竹茹湯加  
黃連如乳食嘔下隨吐面色青白手足厥冷大便自  
利此冷症也宜益黃散而痘後下痢熱症多而寒症

少亦有傷食而嘔者。必見噯氣。宜木香大安丸養脾丸之類。薑湯送下。金鑑謂小兒出痘未愈而患痢者。乃濕熱鬱於腸胃所致。傷氣傷血而然也。痘必黯滯無色。切勿作倒靨治。當清熱除濕。調理氣血爲主。白痢宜加味四君子湯。赤痢四物湯。赤白兼者合而用之。如推蕩兜澀收斂則毒邪內潰。多致不救。

痘學發微云。痘後瘡痢。症雖不同。其因相似。其外感風寒則成瘡。內傷生冷濕熱則成痢。甚至裏急後重。

欲登園者火性急速也。欲便而不能者氣滯不得宣通也。不外疎解運脾調和清理身熱無汗者柴葛解肌湯。如挾時邪敗毒散。然痘後痢疾非比尋常。如痘毒鬱悶治宜降潤。如痢已久又當調補。如氣虛之痘又宜溫補。若痢初起法當清熱解毒。總在合參標本。或因餘毒未盡下痢膿血者。惟以解毒健脾。切不可作痢治。忌用收斂。澁毒盡而痢自愈矣。不可不知。費建中曰。餘毒者痘後未盡之毒也。毒聚則成癰。留

標本二字  
臨症者宜  
時時注意  
心頭

醫者審之

此見到之  
論得此以  
治小兒庶  
百不失一  
乎

於脾土下注入大腸則下痢惡垢或下鮮血宛若滯  
下如膠如漆若以痢治則枉死矣宜滌邪救苦湯  
小兒氣血未充如苗萼之柔嫩一或傷殘無不凋謝  
故但宜培植不可妄行消導如果有食滯則宜漸消  
果有風寒發熱則宜暫散果有實火則宜暫清此不  
得不治其標也舍此之外澹泄困倦等證則悉由脾  
腎不足氣血薄弱而然近世醫流但知消導日消日  
剝元氣日損此時俗幼科之大病也

推拿心法

有推拿指  
掌書可一  
一按圖施  
治余每用

以治嬰兒  
其驗

雄運英曰。小兒之病。細尋推不獨驚疳積所爲。冷熱  
數般。雖各異。寬腸調胃在明醫。大抵陰陽不分。法當  
分正陰陽。

治法

推三關 六腑 清心經 和陰陽 八卦  
推大腸 脾土 腎 水 揉臍及龜尾。

凍膠鼻涕治法

推三關 運八卦 脾土大腸 和陰陽 天門

虎口 揉臍并龜尾

小兒不能語啼哭不能辨者當以手候其腹如有實而硬處卽是腹痛將老薑搗汁調麩成糊令暖塗於紙上貼臍心定然不哭 用過推拿倘或不應再服加減黃芩芍藥湯參連散便紅丸之類